

Mwh Fungsou Gouj Nyied, Caez Coh Roen Baenzmiz

九月丰收季，共奔致富路

Gouj nyied seizcou, nazhaeux henjrwgrwg, gve mak homfwtfwt, bineix youh dwg bi ndaej sou lai ndeu. 9 nyied 23 hauh dwg Aen Ciet Fungsou Daihseiq Vunzguhnaz Cungguek. Gih raeuz Nanzningz、Gveigangj、Gveilinz、Liujcouh、Hozciz、Bwzswz daengj dieg gak cuz beixnuengx foenfoen eu fwen diuqfoux angqcoux aen ciet hoengh vunzguhnaz, simhai gyo' mbaiq aendangj、hoh sou lai, caiq doxcaez yien fwngz byaijcoh roen baenzmiz.



Liggaeuq bet nyied cibloeg ngoenzde, Liujcouh Si Yungzsuij Myauzczuz Swciyen Dalang Cin Gauhbeiz Cunh Mbanjmyauz Cuhyangh guh Cibloeg Hoihbo bae coux ciet funksou vunzguhnaz. Myauzczuz、Yauzczuz、Dungcuз daengj lai aen cuz beixnuengx doxcomz giz de, boq venz、diuq fouxcaijdinvenz, hawj ndwenngoenz vunzlai engq mizyinx, eu ok hot fwen minzcuz doxgiet huzndei. Vunzmbanj youh youq cietheiq guh lijyouz, yinx le haujlai hekyouz daeuj guhcaemz, daiqdoengh ginghci lajmbanj hwngfat mwnhoengh.

(Lungz Linzci / 龙林智)

◀Yungzsuij Cibloeg Hoihbo vunz lai vunz daih.



▲ Geij boux mehmbwk Bwzswz yienhciengz cigboq eu fwen gai huq.

9 nyied 23 hauh, Bwzswz Si youq Denzyangz Gih Denzcouh Gujcwngz haiguh aen yizsiz angqhoh ciet funksou vunzguhnaz. Buek hozdung neix daj 9 nyied 15 guh daengz 30 hauh. Ngoenzde, yienhciengz miz lai cungj lai yiengh fwen foux biujyenj caeuq “gij funksou raeuz aen ciet raeuz” haj buek hozdung, langhbaij le gij hwngfat moq canjnieb nungzyez、yienghmbanj moq gyaunde、funghsang moq vwnzmingz huzndei Bwzswz, vih vunzguhnaz heuhndei, hawj lajmbanj ndei diemjhaenh, caeuq lajmbanj saenqhwnz gyayouz, mbouj-duenh gyamaenh hongbaenz gunggeng duetgungz, gyavaiq yamqdin cienzmienh doicaenh guhhoengh lajmbanj.

(Vangz Gozsun / 黄国顺)



▲ Vunzlai Swhyenz doxdax doxdam rap haeuxgok.

Mboengqneix, Gveilinz Si Swhyenz Yen guh aen hozdung “minzcuz daih doxgiet caezsim rengz gyo aendangj”. Saek cien vunz doxcomz giz ndeu, bau aendomq、beng cag、doxdam rap haeuxgok daengj hozdung gig miz daegsaek minzcuz. Vunzlai angqhoh sou lai caemhcai qyo' mbaiq aendangj hawj lwgminz gvaq hwnj saedcej ndei.

(Leiz Cihhungz / 雷支红)

Song Cit Heiq Gih Raeuz Ndaej Sam Aen Daihciengj Laeng Gaiq Daihroek Daengx Guek Siujsoq Minzcuz Vwnzyi Veiyienj

我区两剧目夺得第六届全国少数民族文艺会演三项大奖



▲Mbawdoz cit Heiqcuengh 《Bwzswz Gijyi》

Mboengqneix, Gaiq Daihroek Daengx Guek Siujsoq Minzcuz Vwnzyi Veiyienj Saedyienh Loqsiengj Ciengj ok gezgoj lo. Gih raeuz Cit Heiqcuengh 《Bwzswz Gijyi》 aeu ndaej Aen Gimuzciengj Ceiq Ndei caeuq Aen Daujyenjciengj Ceiq Ndei; cit heiqyinhoyz 《Saeklwed Sienghgyangh》 aeu ndaej Aen Vujdaiz Meijsuzciengj.

《Bwzswz Gijyi》aeu Heiqcuengh geqgangj le Cunghgoz Gungcanjdangj youq giz dieg siujsoq minzcuz Gvangsiah saedhengz “gunghnungz vujcangh gatciemq”, haenh-

gangj bouxgonq guh gwzming mbouj lau dai、baihnaj cung baihlaeng riengz guh, haenhdaengj cij cingsaenz vunzlai Mbanjcuengh mbouj lau vih gwzming vutmingh. 《Saeklwed Sienghgyangh》 cix dwg aeu bouswhcangj Hoengz 34 Swi Cinz Susiengh guh yenzhingz, caiqyienh le cij cingzgingj hoenx Ciengzciengq Sienghgyangh mwh youq Gveilinz Hingh' anh、Cenzcouh、Gvanyangz haenx.

(Siz Yuz / 石煜)